

全漢三國晉南北朝詩

張祖翼署

全三國詩卷一

無錫丁福保仲祐編纂

魏

曹操

卷

字孟德沛國譙人漢舉孝廉為郎歷位丞相封魏王後其子丕代漢追諡曰武皇帝廟號太祖有孫子略解一卷兵書接要十卷兵法接要三卷兵書要略九卷兵法一卷集三十卷逸集十

樂府

度關山

天地間人為貴立君牧民為之軌則車轍馬跡經緯四極黜陟幽明黎庶繁息於鑠賢聖總統邦域封建五爵井田刑獄有燔丹書無普赦贖皐陶甫侯宋書作刑何有失職嗟哉後世改制易律勞民為君役賦其力舜漆食器畔者十國不及唐堯采椽不斲世歎伯夷欲以厲俗侈惡之大儉為共德許由推讓豈有訟曲兼愛尚同疏者為戚

右一曲魏晉樂所奏

短歌行二首

對酒當歌人生幾何譬如朝露去日苦多慨當以慷憂思難忘何以解

全三國詩卷一 無錫丁氏校刊

憂唯有杜康青青子衿悠悠我心但爲君故沈吟至今呦呦鹿鳴食野之苹我有嘉賓鼓瑟吹笙明明如月何時可掇憂從中來不可斷絕越陌度阡枉用相存契闊談讌心念舊恩月明星稀烏鵲南飛繞樹三匝何枝可依山不厭高海不厭深周公吐哺天下歸心

魏晉樂所奏分爲六解與此並同但無越陌以下八句

周西伯昌懷此聖德三分天下而有其二修奉貢獻臣節不墜崇侯讒

之是以拘繫

解一

後見赦原賜之斧鉞得使征伐爲仲尼所稱達及德行

猶奉事殷論敘其美

解二

齊桓之功爲霸之首九合諸侯一匡天下一匡

天下不以兵車正而不譎其德傳稱

解三

孔子所歎並稱夷吾民受其恩

賜與廟胙命無下拜小白不敢爾天威在顏咫尺

解四

晉文亦霸躬奉天

王受賜珪瓚鉅鬯彤弓盧弓矢千虎賁三百人

解五

威服諸侯師之者尊

八方聞之名亞齊桓河陽之會詐稱周王是以其名紛葩

六解

右二曲晉樂所奏

善哉行

古公亶父積德垂仁思弘一道哲王於幽

解一

太伯仲雍王德之仁行施

百世斷髮文身

解二

伯夷叔齊古之遺賢讓國不用餓殂首山

解三

智哉山

甫相彼宣王何用杜伯累我聖賢

解四

齊桓之霸賴得仲父後任豎刁蟲

流出戶

解五

晏子平仲積德兼仁與世沈德

浮或作

未必思命

解六

仲尼之世

王國爲君隨制飲酒揚波使官

解七

自惜身薄祜夙賤罹孤苦既無三徙教不聞過庭語

解一

其窮如抽裂自

以思所怙雖懷一介志是時其能與

解二

守窮者貧賤惋歎淚如雨泣涕

於悲夫乞活要

一作安

能覩

解三

我願於天窮琅邪傾側左雖欲竭忠誠欣

公歸其楚

解四

快人由爲歎抱情不得敘顯行天教人誰知莫不緒

解五

我

願何時隨此歎亦難處今我將何照於光曜釋銜不如雨

六解

右二曲

魏晉樂所奏

步出東西門行

一曰碣石篇樂志曰碣石魏武帝辭晉以爲碣石舞其歌四章一曰觀
滄海二曰冬十月三曰土不同四曰龜雖壽與此並同但曲前無豔爾

雲行雨步超越九江之臯臨觀異同心意懷遊豫不知當復何從經

過至我碣石心惆悵我東海

雲行至
此爲豔

東臨碣石以觀滄海水何澹澹山島竦峙樹木叢生百草豐茂秋風蕭
瑟洪波湧起日月之行若出其中星漢燦爛若出其裏幸甚至哉

全三國志卷一
無錫丁氏校刊

歌以詠志

解一

右觀滄海

孟冬十月北風徘徊天氣肅清繁霜霏霏鷓鴣晨鳴鴻鴈

鴻鴈一作鴈過

南飛鷺

鳥潛藏熊羆窟棲錢鏹

錢晉書作鏹鏹一作鏹

停置農收積場逆旅整設以通賈商

幸甚至哉歌以詠志

解二

右冬十月

鄉土不同河朔隆寒流澌浮漂舟船行難雖不入地豐籟深奧水竭不
流冰堅可蹈士隱者貧勇俠輕非心常歎怨戚戚多悲幸甚至哉歌以

詠志

解三

右土不同

一作河朔寒

神龜雖壽猶有竟時騰蛇乘霧終爲土灰老驥伏櫪志在千里烈士暮
年壯心不已盈縮之期不但在天養怡

一作恬

之福可得永年幸甚至哉

歌以詠志

右一曲魏晉樂所奏

右龜雖壽

薤露

惟漢二十世所任誠不良沐猴而冠帶知小而謀彊猶豫不敢斷因狩
執君王白虹爲貫日已亦先受殃賊臣執國柄殺主滅宇京蕩覆帝基
業宗廟以燔喪播越西遷移號泣而且行瞻彼洛城郭微子爲哀傷

蒿里行

關東有義士興兵討羣凶初期會盟津乃心在咸陽軍合力不齊躊躇
而鴈行勢利使人爭嗣還自相戕淮南弟稱號刻璽於北方鎧甲生蟻
蝨萬姓以死亡白骨露於野千里無鷄鳴生民百遺一念之斷人腸

右二

曲魏樂
所奏

苦寒行

藝文樂府並
作魏文帝

北上太行山艱哉何巍巍羊腸坂詰屈車輪爲之摧樹木何蕭瑟北風
聲正悲熊羆對我蹲虎豹夾路啼谿谷少人民雪落何霏霏延頸長歎

一作
太

息遠行多所懷我心何怫鬱思欲一東歸水深橋梁絕中路

一作
道

正徘徊迷惑失故路薄暮無宿棲行行日已遠人馬同時饑擔囊行取

薪斧冰持作糜悲彼東山詩悠悠使我哀

晉樂所奏分六解
每解疊首二句

却東西門行

鴻鴈出塞北乃在無人鄉舉翅萬里餘行止自成行冬節食南稻春日

復北翔田中有轉蓬隨風遠飄揚長與故根絕萬歲不相一作自當奈何

此征夫安得去四方戎馬不解鞍鎧甲不離傍冉冉老將至何時反故

鄉神龍藏深泉猛獸步高岡狐死歸首丘故鄉安可忘

右一曲魏
晉樂所奏

氣出唱三首

駕六龍乘風而行行四海外路下之八邦歷登高山臨谿谷乘雲而行

行四海外東到泰山仙人玉女下來邀一作翔遊驂駕六龍飲玉漿河水

盡不東流解愁腹飲玉漿奉持行東到蓬萊山上至天之門玉關一作闕

下引見得入赤松相對四面顧望視正惶惶一作焜煌開王心正興其氣百

道至傳告無窮閉其口但當愛氣壽萬年東到海與天連神仙之道出

竊入冥常當專之心恬澹無所愒欲閉門坐自守天與期氣願得神之

人乘駕雲車驂駕白鹿上到天之門來賜神之藥跪受之敬神齊當如

此道自來

華陰山自以爲大高百丈浮雲爲之蓋仙人欲來出隨風列之雨吹我
洞簫鼓瑟琴何闇闇酒與歌戲今日相樂誠爲樂玉女起起舞移數時
鼓吹一何嘈嘈從西北來時仙道多駕煙乘雲駕龍鬱何蓊蓊遨遊八
極乃到崑崙之山西王母側神仙金止玉亭來者爲誰赤松王喬乃德
旋之門樂共飲食到黃昏多駕合坐萬歲長宜子孫

遊君山甚爲真確礧砢爾自爲神乃到王母臺金階玉爲堂芝草生
殿傍東西廂客滿堂主人當行觴坐者長壽遽何央長樂甫始宜孫子
常一作當願主人增年與相守右三曲魏晉樂所奏

精列

厥初生造化之陶物莫不有終期莫不有終期聖賢不能免何爲懷此
憂願螭龍之駕思想崑崙居思想崑崙居見欺於迂怪志意在蓬萊志
意在蓬萊周孔聖徂落會稽以墳丘會稽以墳丘陶陶誰能度君子以
弗憂年之暮奈何時過時過一作過時時來微右一曲魏晉樂所奏

對酒

對酒歌太平時吏不呼門王者賢且明宰相股肱皆忠良咸禮讓民無
所爭訟三年耕有九年儲倉穀滿盈斑白不負戴雨澤如此百一作五穀
用成却走馬以糞其土田爵公侯伯子男咸愛其民以黜陟幽明子養
有若父與兄犯禮法輕重隨其刑路無拾遺之私囹圄空虛冬節不斷
人耄耄皆得以壽終恩澤宋書作德廣及草木昆蟲右一曲魏樂所奏

陌上桑

駕虹蜺乘赤雲登彼九疑歷玉門濟天漢至崑崙見西王母謁東君交
赤松及羨門受要祕道愛精神食芝英飲醴泉拄杖桂枝佩秋蘭絕人
事遊渾元若疾風遊歛飄翩一作飄或作飄景未移行數千壽如南山不忘愆右

曲晉樂所奏

秋胡行二首

晨上散關山此道當何難晨上散關山此道當何難牛頓不起車墮谷
間坐盤石之上彈五弦之琴作爲清角韻意中迷煩歌以言志晨上散

關山解一有何三老公卒來在我傍有何三老公卒來在我傍負揜被裘

似非恆人謂卿云何困苦以自怨徨徨所欲來到此間歌以言志有何

三老公解二我居崑崙山所謂者真人我居崑崙山所謂者真人道深有

猶一作可得名山歷觀遨遊八極枕石漱流飲泉沈吟不決遂上升天歌

以言志我居崑崙山解三去去不可追長恨相牽攀去去不可追長恨相

牽攀夜夜安得寐惆悵以自憐正而不譎乃辭一作賦依因經傳所過西

來所傳歌以言志去去不可追解四

願登泰華山神人共遠遊願登泰華山神人共遠遊經歷崑崙山到蓬

萊飄飄八極與神人俱思得神藥萬歲爲期歌以言志願登泰華山解一

天地何長久人道居之短天地何長久人道居之短世言伯陽殊不知

老赤松王喬亦云得道得之未聞庶以壽考歌以言志天地何長久解二

明明日月光何所不光昭明明日月光何所不光昭二儀合聖化貴者

獨人不萬國率土莫非王臣仁義爲名禮樂爲榮歌以言志明明日月

光解三四時更逝去晝夜以成歲四時更逝去晝夜以成歲大人先天而

全三國詩卷一五無錫丁氏校刊

天弗違不戚年往憂世不治存亡有命慮之爲蚩歌以言志四時更逝

去解四戚戚欲何念歡笑意所之戚戚欲何念歡笑意所之壯盛智慧一作

殊不再來愛時進趣將以惠誰汎汎放逸亦同何爲歌以言志戚戚

欲何念五解 右二曲 魏晉樂所奏

塘上行或曰古辭或曰甄后作或曰魏文帝作或曰魏武帝作共有四說宋書卷二十一樂志塘上行爲武帝辭樂府詩集卷三十五亦作武帝辭今從之

蒲生我池中其葉何離離傍能行仁義莫若妾自知衆口鑠黃金使君

生別離念君去時獨愁常苦悲想見君顏色感結傷心脾念君常苦

悲夜夜不能寐莫以豪賢故棄捐素所愛莫以魚肉賤棄捐葱與薤莫

以麻枲賤棄捐菅與蒯出亦復苦愁入亦復苦愁邊地多悲風樹木何

條條一作脩脩從軍致獨樂延年壽千秋右一曲 本辭

蒲生我池中蒲生我池中其葉何離離傍能行人儀莫能縷自知衆口

鑠黃金使君生離別解一念君去我時念君去我時獨愁常苦悲想見君

顏色感結傷心脾今悉夜夜愁不寐解二莫用豪賢故棄捐

素所愛莫用魚肉貴棄捐葱與薤莫用麻枲賤棄捐菅與蒯解三倍恩者

苦枯倍恩者苦枯蹶船常苦沒教君安息定慎莫致倉卒念與君一
離別亦當何時共坐復相對四解出亦復苦愁出亦復苦愁入亦復苦愁
邊地多悲風樹木何蕭蕭今日樂相樂延年壽千秋五解右一曲晉樂所奏

董逃歌詞

德行不虧缺變故自難常鄭康成行酒伏地氣絕郭景圖命盡於園桑

按今本魏志註述作卓乃不知樂府有董逃者所改也張溥所輯魏武帝集沿其誤今訂正錄之

文帝

諱丕字子桓太祖長子八歲能屬文建安十六年爲五官中郎將二十二年立爲魏太子太祖薨嗣位爲丞相魏王稱受漢禪遂卽帝位有列女傳頌一卷集三十卷

樂府

短歌行

古今樂錄曰王僧虔技錄云短歌行仰瞻一曲魏氏遺令使節朔奏樂魏文製此辭自撫箏和歌歌者云貴官彈箏貴官卽魏文也此曲聲制最美辭不可入宴樂

仰瞻帷幕俯察几筵其物如故其人不存一解神靈倏忽棄我遐遷靡瞻

靡恃泣涕連連二解呦呦遊鹿銜草鳴鳧翩翩飛鳥挾子巢棲三解我獨孤

榮懷此百離憂心孔疚莫我能知四解人亦有言憂令人老嗟我白髮生

一何早五解長吟永歎懷我聖考曰仁者宋書作曰壽胡不是保六解右一曲魏樂所奏

秋胡行三首

第一首一作歌魏德第二首一作佳人期第三首一作浮萍篇

堯任舜禹當復何爲百獸率舞鳳凰來儀得人則安失人則危唯賢知
賢人不易知歌以詠言誠不易移鳴條之役萬舉必全明德通靈降福
自天

朝與佳人期日夕殊不來嘉肴不嘗旨酒停杯寄言飛鳥告余不能俯
折蘭英仰結桂枝佳人不在結之何爲從爾何所之乃在大海隅靈若
道言貽爾明珠企予望之步立踟蹰一作躊躇佳人不來何得斯須

汎汎綠一作漲池中有浮萍寄身流波隨風靡傾芙蓉含芳菡萏垂榮朝

采其實夕佩其英采之遺誰所思在庭雙魚比目鴛鴦交頸有美一人
婉如清揚知音識曲善爲樂方

善哉行二首一曰擬作

上山採薇薄暮苦饑谿谷多風霜露沾衣一作解野雉羣雛猴猿相追還望

故鄉鬱何壘壘二解高山有崖林木有枝憂來無方人莫之知三解人生如

寄多憂何爲今我不樂歲一作日月如宋書作其馳四解湯湯川流中有行舟隨

波轉薄一作迴轉有似客遊五解策我良馬被我輕裘載馳載驅聊以忘憂六解

有美一人婉如清揚妍姿巧笑和媚心腸知音識曲善爲樂方哀絃微
妙清氣含芳流鄭激楚度宮中商感心動耳綺麗難忘離鳥夕宿在彼
中洲延頸鼓翼悲鳴相求眷然顧之使我心愁嗟爾昔人何以忘憂

丹霞蔽日行

丹霞蔽日采虹垂天谷水潺潺木落翩翩孤禽失羣悲鳴雲間月盈則
沖華不再繁古來有之嗟我何言

明帝步出夏門行
中八句與此同

煌煌京洛行

天天園桃無子空長虛美難假偏輪不行

解一

淮陰五刑烏盡

一作

弓藏

保身全名獨有子房大憤不收褒衣無帶多言寡誠祇令事敗

解二

蘇秦

之說六國以亡傾側賣主車裂固當賢矣陳軫忠而有謀楚懷不從禍

卒不救

解三

禍夫吳起智小謀大西河何健伏尸何劣

解四

嗟彼郭生古之

雅人智矣燕昭可謂得臣峨峨仲連齊之高士北辭千金東蹈滄海

解五

右一曲
晉樂所奏

釣竿行

東越河濟水遙望大海涯釣竿何珊珊魚尾何筵筵行路之好者芳餌欲何爲

十五

登山而遠望谿谷多所有梗枿千餘尺衆草芝一作之盛茂華葉耀人目

五色難可紀雉雉山鷄鳴虎嘯谷風起號羆當我道狂顧動牙齒

猛虎行

與君媾新歡託配於二儀充列于紫微升降焉可知梧桐攀鳳翼雲雨散洪池

善哉行

初學記載第一解題云於講堂作

朝日樂相樂酣飲不知醉悲絃激新聲長笛吐清氣一解絃歌感人腸四

坐皆歡悅寥寥高堂上涼風入我室二解持滿如不盈有德者能卒君子

多苦心所愁不但一三解慊慊下白屋吐握不可失衆賓飽滿歸主人苦

不悉四解比翼翔雲漢羅者安所羈冲靜得自然榮華何足爲五解

同前

藝文類聚作銅雀園詩

朝遊高臺觀夕宴華池陰大會奉甘醪狩人獻嘉禽解一齊倡發東舞秦

箏奏西晉有客從南來爲我彈清琴解二五音紛繁會拊者激微吟淫魚

乘波聽踴躍自浮沈解三飛鳥翻翔舞悲鳴集北林樂極哀情來寥亮擢

肝心解四清角豈不妙德薄所不任大哉子野言弭絃且自禁五解 右三曲 魏晉樂所奏

折楊柳行藝文作遊仙詩古 樂府作長歌行

西山亦作一本何高高高殊無極上有兩仙僮不飲亦不食與我一丸藥

光耀有五色解一服藥四五日身體生羽翼輕舉乘浮雲倏忽行萬億流

覽觀四海茫茫非所識解二彭祖稱七百悠悠安可原老聃適西戎于今

竟不還王喬假虛辭赤松垂空言解三達人識真僞愚夫好妄傳追念往

古事憤憤千萬端百家多迂怪聖道我所觀四解 右一曲 魏晉樂所奏

燕歌行二首從宋本 玉臺

秋風蕭瑟天氣涼草木搖落露爲霜羣燕辭歸雁南翔雁樂府詩 集作鵲誤念君客

遊多思腸君樂府詩集作吾 誤多思一作思斷慊慊思歸戀故鄉君何淹留寄他方君何藝文類 聚作何爲

賤妾堯堯守空房憂來思君不可忘不可樂府詩 集作不敢不覺淚下沾衣裳援琴

一作瑟 鳴絃發清商短歌微吟不能長明月皎皎照我牀星漢西流夜未

央牽牛織女遙相望爾獨何辜限河梁

辜宋刻玉臺作幸誤今從文選

別日何易會日難山川遙

一作悠

遠路漫漫鬱陶思君未敢言寄聲浮雲

往不還涕零雨面毀容顏誰能懷憂獨不歎展詩清歌聊自寬樂往哀

來摧肺肝耿耿伏枕不能眠披衣出戶步東西

馮氏校本注西一作偏由不知西古音先而撫左傳臆改之以就後

世聲律也

仰看星月觀雲間

看晉樂所歌作戴按入樂之詞率皆增損本不足以爲據然此句看與觀複殊乖句格疑戴字乃其本文而看字爲傳寫訛舛也

飛

鳥一作鵲

晨鳴聲可憐留連顧懷不能存

臨高臺

臨臺行高高以軒下有水清且寒中有黃鵠往且翻 行爲臣當盡忠

願今一作令

皇帝陛下三千歲宜居此宮

鵠欲南遊雌不能隨我欲躬

銜汝口噤不能開欲負之毛衣摧頽五里一顧六里徘徊

陌上桑

棄故鄉離室宅遠從軍旅萬里客披荊棘求阡陌側足獨窘步路局窄
虎豹嘯動雞驚禽失羣鳴相索登南山奈何蹈盤石樹木叢生鬱差錯